



SLUŽBENI GLASNIK

OPĆINE ZAVIDOVIĆI

Broj: 7. Datum: 29.07.2011.



I – AKTI OPĆINSKOG VIJEĆA

Na osnovu člana 25. i 105. stav 2. Statuta općine Zavidovići («Službeni glasnik općine Zavidovići» broj 5/2008 i 5/a/2008), člana 6. Zakona o komunalnim djelatnostima («Službene novine ZDK» broj 17/08) i člana 12. stav 3. Zakona o vodama («Službene novine Zeničko-dobojskog kantona», broj 17/07), Općinsko vijeće Zavidovići na 36. sjednici održanoj dana 28.07.2011.godine, donijelo je

ODLUKU

o davanju na korištenje dograđenog dijela Komunalnog vodovoda Zavidovići za snabdijevanje vodom stanovnika naseljenih mjesta Stavci, Brijeg, Dragovići i Gornji Kovači

Član 1.

JKP «Radnik» d.o.o. Zavidovići daje se na korištenje dograđeni dio Komunalnog vodovoda Zavidovići vlasništvo Općine Zavidovići za snabdijevanje vodom stanovnika naseljenih mjesta Stavci, Brijeg, Dragovići i Gornji Kovači, u vrijednosti 709.647,06 KM (Slovima: sedamstotinadevethiljadašestotinačetresetsedam 06/100 KM).

Član 2.

Objekat iz člana 1. ove Odluke daje se na korištenje u svrhu obavljanja registrovane djelatnosti i to 36.00 – Sakupljanje, pročišćavanje i opskrba vodom stanovnika naseljenih mjesta Stavci, Brijeg, Dragovići i Gornji Kovači, te se u druge svrhe ne može koristiti.

Član 3.

Objekat iz člana 1. ove Odluke daje se na korištenje bez naknade, na nedoređeno vrijeme. JKP «Radnik» d.o.o. Zavidovići je dužno objekat iz člana 1. ove Odluke vratiti u posjed Općini Zavidovići u roku 30 dana od dana dostavljanja pismenog zahtjeva.

Član 4.

Ovlašćuje se Općinski načelnik da u ime Općine Zavidovići zaključi ugovor o korištenju objekta iz člana 1. ove Odluke kojim će se bliže odrediti prava i obaveze između vlasnika i korisnika objekta.

Općinski načelnik će imenovati Komsiju koja će izvršiti primopredaju objekta iz člana 1. ove Odluke u roku 30 dana od dana njezinog stupanja na snagu.

Član 5.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-25-3019/11
Dana: 28.07.2011.godine

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-31-3429/11

Dana: 28.07.2011.godine

Na osnovu člana 44. a u vezi sa članom 45. stav 2. Zakona o građevinskom zemljištu Federacije BiH ("Službene novine Federacije BiH", broj 67/05), člana 2. Odluke o uslovima i načinu dodjele gradskog građevinskog zemljišta u državnoj svojini ("Službeni glasnik općine Zavidovići", broj 06/2004, 2/06 i 3/07) i člana 25. Statuta Općine Zavidovići ("Službeni glasnik Općine Zavidovići", broj: 5/08 i 5/a/08), Općinsko vijeće Zavidovići na 36.sjednici održanoj 28.07.2011.godine, donosi

RJEŠENJE

1. Zeničko Dobojskom Kantonu - Ministarstvu unutrašnjih poslova Zenica, dodjeljuje se neposrednom pogodbom neizgrađeno gradsko građevinsko zemljište označeno sa k.č.1227/31 zv. «Ciglana» dvorište pov.173 m², upisana u P.L. 232 k.o. Zavidovići kao državno vlasništvo-nosilac prava raspolaganja Općina Zavidovići, na korištenje radi građenja poslovnog objekta.

2. Za zemljište iz tačke 1. ovog rješenja "ZE-DO Kanton-Ministarstvo unutrašnjih poslova Zenica" dužno je platiti naknadu za dodijeljeno gradsko građevinsko zemljište na korištenje radi građenja, u iznosu od 13986,10 KM, na račun općine Zavidovići broj 3380002210013831 otvoren kod Uni Credit banke, vrsta prihoda 722431, u roku od 15 dana od dana pravosnažnosti ovog rješenja.

3. "ZE-DO Kanton- Ministarstvo unutrašnjih poslova Zenica" ne može se izdati odobrenje za građenje niti se može izvršiti uknjižba prava korišćenja zemljišta radi građenja u zemljišnoj knjizi i katastru općine Zavidovići dok ne podnese dokaz da je platilo naknadu za dodijeljeno zemljište u iznosu kako je to utvrđeno u tački 2. ovog rješenja i naknadu za uređenje zemljišta koja će biti utvrđena u rješenju o urbanističkoj saglasnosti, a koja se uplaćuje na račun općine Zavidovići broj 3380002210013831 otvoren kod Uni Credit banke, vrsta prihoda 722433.

4. Konačan obračun naknada koje za osnovicu imaju ukupnu korisnu neto površinu građevine, utvrdit će se u postupku izdavanja odobrenja za građenje na osnovu izvedbene projektne dokumentacije.

5. "ZE-DO Kanton – Ministarstvo unutrašnjih poslova Zenica", gubi pravo korišćenja zemljišta radi građenja ako u roku od jedne godine od pravosnažnosti ovog rješenja ne podnese zahtjev da mu se izda odobrenje za građenje, odnosno ako u roku od jedne godine od izdavanja odobrenja za građenje ne izvede pretežan dio radova na građevini t.j. izgradnju sa prvom nadzemnom stropnom konstrukcijom.

Obrazloženje

Dana 14.07.2011. godine Općinskom vijeću Zavidovići obratio se ZE-DO kanton-Ministarstvo unutrašnjih poslova Zenica sa zahtjevom za dodjelu neposrednom pogodbom na korištenje radi građenja neizgrađeno gradskog građevinsko zemljište označeno sa k.č. 1227/31 zv. «Ciglana», dvorište pov.173 m², upisana u P.L. 232 k.o. Zavidovići.

U zahtjevu su istakli da je predmetno zemljište potrebno u svrhu dogradnje prizemlja objekta policijske uprave Zavidovići, radi smještaja administrativnih službenika koji rade na izdavanju dokumenata, te da im je u navedenu svrhu potrebno i dodijeliti zemljište bliže opisano u članu 1 dispozitiva rješenja.

Rješavajući o pravu koji se traži podnesenim zahtjevom izvršen je uvid u prijepis posjedovnog lita broj 232 k.o. Zavidovići, identifikaciju i genezu predmetnog zemljišta, izvod iz Regulacionog plana "Centar 1" Zavidovići, te je pribavljeno i mišljenje Odsjeka za urbanizam i geodetske poslove, .

Zahtjev je osnovan.

Cijeneci ponuđene dokaze utvrđeno da je parcela označena sa k.č. 1227/31 državna svojina, te da je Regulacionim planom "Centar I" Zavidovići na istom planirana dogradnja na građevini MUP- a Zavidovići spratnosti Po+vP za potrebe iste, a zbog obezbijeđenja prostora za funkcioniranje IDEEA-a bivši CIPS odnosno utvrđeno je da će se na na predmetnom zemljištu graditi objekat za službene potrebe državnih organa.

Odredbom člana 44. Zakona o građevinskom zemljištu Federacije BiH ("Službene novine Federacije BiH", broj 67/05) propisano je „Općinsko vijeće dodjeljuje neizgrađeno građevinsko zemljište radi izgradnje građevina uz pravičnu naknadu“, a odredbom člana 45. stav 2. tačka I istog zakona "Neposredbom pogodbom gradsko građevinsko zemljište dodjeljuje se na korišćenje za izgradnju vojnih objekata i objekata za službene potrebe državnih organa“.

Odredba o plaćanju naknade za dodijeljeno zemljište koja obuhvata naknadu za izuzeto zemljište od ranijeg vlasnika i naknadu za prirodne pogodnosti (renta) temelji se na članu 64. Zakona o građevinskom zemljištu i članu 19. i 22. Odluke o uslovima i načinu dodjele gradskog građevinskog zemljišta u državnoj svojini.

Pored naknade za dodijeljeno gradsko građevinsko zemljište u iznosu od 13986,10 KM, « ZE-DO kanton- Ministarstvo unutrašnjih poslova Zenica, dužno je platiti i naknadu za uređenje gradskog građevinskog zemljišta u iznosu od cc-a 2.267,10 KM, a koji iznos će biti utvrđen u rješenju o urbanističkoj saglasnosti.

Budući da su u konkretnom slučaju ispunjeni uslovi za dodjelu zemljišta, to je valjalo odlučiti kao u dispozitivu u smislu navedenih propisa.

Pouka o pravnom lijeku:

Protiv ovog rješenja nije dozvoljena žalba, niti se može pokrenuti upravni spor.

PREDSJEDAVAJUĆI
OPĆINSKOG VIJEĆA

(M.P.

ing. Radosav Petrović, s.r.

Na osnovu člana 2.12 stav 5. i člana 2.14 stav 1. Izbornog zakona Bosne i Hercegovine («Službeni glasnik BiH», broj 23/01, 07/02, 09/02, 20/02, 25/02, 04/04, 25/05, 77/05, 11/06, 24/06, 32/07, 33/08, 37/08 i 32/10) i člana 25. Statuta općine Zavidovići («Službeni glasnik općine Zavidovići», broj 05/08 i 5a/08), Općinsko vijeće Zavidovići na 34. sjednici od 31.05.2011. godine, donijelo je

RJEŠENJE

o imenovanju članova Općinske izborne komisije

I

U Općinsku izbornu komisiju Zavidovići, imenuju se:

1. JUKIĆ NIKICA, dipl.pravnik - član
2. ALIČIĆ DINO, dipl.pravnik - član

II

Mandat članova komisije iz tačke I predmetnog rješenja traje sedam godina, od dana dobijanja saglasnosti od Centralne izborne komisije BiH.

III

Općinsku izbornu komisiju opsluživat će službe za upravu, svaka iz svoje nadležnosti, a po nalogu Općinskog načelnika.

IV

Rješenje stupa na snagu po dobijanju saglasnosti Centralne izborne komisije BiH.

V

Rješenje objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-2126/11
Datum, 31.05.2011.godine

(M.P.)

ing. Radosav Petrović, s.r.

**BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO****PREPIS**

Broj: 01-07-1-453/11

Sarajevo, 05.07.2011.godine

Na osnovu člana 195. stav (1) Zakona o upravnom postupku („Službeni glasnik BiH“, broj 29/02; 12/04; 88/07 i 93/09) i člana 2.12 stav (5) i (6) Izbornog zakona Bosne i Hercegovine («Službeni glasnik BiH», broj 23/01; 07/02; 09/02; 20/02; 25/02; 04/04; 20/04; 25/05; 52/05; 65/05; 77/05; 11/06; 24/06; 32/07; 33/08; 37/08 i 32/10), postupajući po zahtjevu Općinskog vijeća Zavidovići za davanje saglasnosti za razrješenje i imenovanje članova Općinske izborne komisije Zavidovići, Centralna izborna komisija Bosne i Hercegovine je na 45.sjednici, održanoj 05.07.2011.godine, donijela

R J E Š E N J E

(1) Daje se saglasnost na Rješenje Općinskog vijeća Zavidovići broj 01-05-3086/11 od 28.06.2011.godine, kojim se zbog isteka mandata i imenovanja novog člana dužnosti u Općinskoj izbornoj komisiji Zavidovići razrješavaju:

- **Jukić Nikica**, član
- **Pinjić Samira**, zamjenski član.

(2) Daje se saglasnost na Rješenje Općinskog vijeća Zavidovići broj 01-05-2126/11 od 31.05.2011.godine, kojim se za članove Općinske izborne komisije Zavidovići imenuju:

- **Jukić Nikica**, član
- **Aličić Dino**, član.

O b r a z l o ž e n j e

Centralna izborna komisija Bosne i Hercegovine je na 32.sjednici održanoj 15.07.2010.godine dala saglasnost na Rješenje Općinskog vijeća Zavidovići broj 01-05-3333/10 od 30.06.2010.godine kojim se Pinjić Samira imenuje za zamjenskog člana Općinske izborne komisije Zavidovići do izbora novog člana po postupku propisanom članom 2.12. stav (5) Izbornog Zakona Bosne i Hercegovine.

Općinsko vijeće Zavidovići je uputilo zahtjev Centralnoj izbornoj komisiji Bosne i Hercegovine za davanje saglasnosti na Rješenje broj 01-05-3086/11 od 28.06.2011.godine, kojim se zbog isteka mandata i imenovanja novog člana dužnosti u Općinskoj izbornoj komisiji Zavidovići razrješavaju Jukić Nikica i Pinjić Samira, kao i Rješenje broj 01-05-2126/11 od 31.05.2011.godine, kojim se Jukić Nikica i Aličić Dino imenuju za članove Općinske izborne komisije Zavidovići.

Centralna izborna komisija Bosne i Hercegovine je u postupku davanja na imenovanje članova Općinske izborne komisije Zavidovići, utvrdila da je Općinsko vijeće Zavidovići prilikom imenovanja članova Općinske izborne komisije Zavidovići ispoštovalo proceduru propisanu članom 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj 9/10 i 37/10), te da imenovani članovi ispunjavaju sve uslove propisane odredbama Izbornog zakona Bosne i Hercegovine i navedenog Uputstva.

S tim u vezi, Centralna izborna komisija Bosne i Hercegovine je, na osnovu člana 2.9 stav (1) tačka 17, a u vezi člana 2.12 stav (5) i (6) Izbornog zakona Bosne i Hercegovine, odlučila kao u dispozitivu ovog Rješenja.

Pravna pouka: Nezadovoljna strana ima pravo u roku od dva dana od dana prijema ovog Rješenja podnijeti žalbu Apelacionom odjelu Suda Bosne i Hercegovine preko Centralne izborne komisije Bosne i Hercegovine (član 6.9 stav (1) i (2) Izbornog zakona Bosne i Hercegovine).

Na osnovu člana 25. Zakona o građevinskom zemljištu Federacije BiH ("Službene novine Federacije BiH", broj 67/05) i člana 25. Statuta općine Zavidovići ("Službeni glasnik općine Zavidovići", broj 5/08 i 5/a/08) Općinsko vijeće Zavidovići, na 36.sjednici održanoj dana 28.07.2011. godine, d o n o s i

ZAKLJUČAK

1. Općina Zavidovići NE PRIHVATA ponudu Mujić Adnana sin Fuada iz Zavidovića, Matije Gubca 2, za preuzimanje neizgrađenog gradskog građevinskog zemljišta označenog sa k.č. 486/4 zv. «Stjepana Radića» dvorište pov. 42 m², upisano u P.L. broj 1700 k.o. Zavidovići kao DRSV – Mujić Adnan sin Fuada, sa dijelom 1/1, za cijenu od 2.000,00 KM (dvijehiljada KM)

2. Imenovanom se dozvoljava da može prenijeti prava korištenja na predmetnom zemljištu na treća lica ali ne po nižoj cijeni od one koja je ponuđena općini.

OPĆINA ZAVIDOVIĆI
- OPĆINSKO VIJEĆE -

Broj: 01-31-3301/11
Datum: 28.07.2011.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

Na osnovu člana 25. Zakona o građevinskom zemljištu Federacije BiH ("Službene novine Federacije BiH", broj 67/05) i člana 25. Statuta općine Zavidovići ("Službeni glasnik općine Zavidovići", broj 5/08 i 5/a/08) Općinsko vijeće Zavidovići, na 36.sjednici održanoj dana 28.07.2011. godine, d o n o s i

ZAKLJUČAK

1. Općina Zavidovići NE PRIHVATA ponudu Starčević Azemine kći Adema iz Zavidovića, Gazije bb, za preuzimanje neizgrađenog gradskog građevinskog zemljišta označenog sa k.č. 208 zv. «Pored Bosne» oranica 6. klase pov. 1370 m², upisano u P.L.broj 898 k.o. Zavidovići kao DRSV – Starčević Azemina kći Adema, sa dijelom 1/1, za cijenu od 15.600,00 KM (petnaesthiljadašeststotina KM)

2. Imenovanoj se dozvoljava da može prenijeti pravo korištenja na predmetnom zemljištu na treća lica ali ne po nižoj cijeni od one koja je ponuđena općini.

OPĆINA ZAVIDOVIĆI
- OPĆINSKO VIJEĆE -

Broj: 01-31-3229/11
Datum: 28.07.2011.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-45-3234/11
Datum, 28.07.2011.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008) i tačke 3. Zaključka Skupštine Zeničko-dobojskog kantona broj 01-45-16877/11 od 24.06.2011.godine, Općinsko vijeće Zavidovići na 36.sjednici od 28.07.2011. godine, razmatralo je Rezoluciju Evropskog parlamenta o Srebrenici, pa nakon rasprave donijelo

ZAKLJUČAK

1. Općinsko vijeće Zavidovići prihvata Rezoluciju Evropskog parlamenta o Srebrenici.
2. Sastavni dio ovog zaključka je Rezolucija Evropskog parlamenta o Srebrenici u izvornom tekstu.
3. Zaključak stupa na snagu danom donošenja i bit će objavljen u „Službenom glasniku općine Zavidovići“.

**PREDSJEDAVAJUĆI
OPĆINSKOG VIJEĆA**

(M.P.)

ing.Radosav Petrović, s.r.

Tekst rezolucije o Srebrenici

Rezolucija Evropskog parlamenta o Srebrenici

Evropski parlament

- poštujući svoju rezoluciju od 7.jula 2005. „Balkan: 10 godina nakon Srebrenice“

- poštujući Sporazum o stabilizaciji i pridruživanju između Evropske unije i Bosne i Hercegovine potpisanog 16.juna 2008. i preporuke o članstvu u Evropskoj uniji datih svim zemljama zapadnog Balkana na samitu Evropske unije u Solunu 2003.godine,

- poštujući Pravilo 103(4) svojih Pravila o postupku;

A. budući da je 11.jula 1995. bosanski grad Srebrenica, koja je u to vrijeme bila izolirana enklava koju je Vijeće sigurnosti UN proglasilo sigurnom zonom svojom odlukom donesenom 16.aprila 1993, pala u ruke snaga srpskih militanata koje je predvodio general Ratko Mladić a pod komandom tadašnjeg predsjednika Republike Srpske Radovana Karadžića;

B. budući da su u roku od nekoliko dana krvoprolića nakon pada Srebrenice snage bosanskih Srba, kojima je zapovijedao general Ratko Mladić i paravojne jedinice, uključujući srbijanske neredovite policijske jedinice koje su ušle na bosanski prostor iz Srbije, skupno smaknule više od 8000 muslimanskih muškaraca i dječaka, koji su tražili sigurnost na ovom području pod zaštitom Mirovnih snaga Ujedinjenih naroda (UNPROFOR); budući da je na silu deportovano skoro 25 000 žena, djece i starijih osoba, čineći ovaj događaj najvećim ratnim zločinom u Evropi od kraja Drugog svjetskog rata;

C. budući da se ova tregedija, koju je Međunarodni krivični sud za bivšu Jugoslaviju (MKSJ) proglasio činom genocida, odvila na mjestu koje su Ujedinjene nacije (UN) proglasile sigurnom zonom, zbog čega je ona simbol nesposobnosti međunarodne zajednice da intervenira u sukobima i zaštitu civilno stanovništvo,

D. uzimajući u obzir višestruka kršenja Ženevske konvencije koja su počinili vojnici bosanskih Srba nad civilnim stanovništvom Srebrenice, uključujući protjerivanje hiljada žena, djece i staraca kao i silovanje velikog broja žena,

E. budući da uprkos ogromnim naporima učinjenim do današnjeg dana da se otkriju i iskopaju masovne i pojedinačne grobnice te identificiraju tijela žrtava, do sada izvedena istraživanja ne dozvoljavaju potpunu rekonstrukciju događaja u Srebrenici i oko nje,

F. budući da nema stvarnog mira bez pravde, te budući da puna i bezuvjetna suradnja sa MKSJ ostaje osnovni zahtjev za zemlje zapadnog Balkana za budući nastavak procesa integracije u Evropsku uniju,

G. budući da je general Radislav Krstić kao pripadnik vojske bosanskih Srba prva osoba koju je MKSJ proglasio krivom zbog pomaganja i poticanja srebreničkog genocida, budući da je jedan od dvojice najistaknutijih optuženika Ratko Mladić još uvijek na slobodi skoro četrnaest godina nakon tragičnih zbivanja i budući da je pozdravljeno to što je Radovan Karadžić prebačen u MKSJ,

H. budući da je institucionalizacija dana sjećanja najbolji način odavanja poštovanja žrtvama zločina i slanje jasne poruke budućim generacijama,

- 1.** Evropski parlament se sjeća i odaje počast svim žrtvama okrutnosti tokom rata u bivšoj Jugoslaviji; izražava svoje saučešće i solidarnost sa porodicama žrtava, od kojih mnoge žive bez konačne potvrde o sudbini njihovih očeva, sinova, muževa ili braće; priznaje da je ovaj nastavak bola pogoršan propustom da se privedu pravdi odgovorni za ove događaje;
- 2.** Poziva Vijeće i Komisiju da prikladno odaju počast godišnjici čina genocida Srebrenica-Potočari podržavajući priznanje Evropskog parlamenta o 11.julu kao danu sjećanja na srebrenički genocid u cijeloj Evropskoj uniji i poziva sve zemlje zapadnog Balkana da učine isto;
- 3.** Poziva na dalje napore za privođenje pravdi ostalih bjegunaca, izražava svoju punu podršku važnom i napornom radu MKSJ i naglašava da je privođenje pravdi za zločine u i oko Srebrenice još važan korak prema miru i stabilnosti u regionu;
- 4.** Naglašava važnost pomirenja kao dijela evropskog integracionog procesa; ističe važnu ulogu religijskih zajednica, medija i obrazovnog sistema u ovom procesu, tako da stanovništvo svih etničkih grupa može prevazići tenzije prošlosti i početi miroljubiv i iskren suživot u zajedničkom trajnom miru, stabilnosti i ekonomskom razvoju; podstiče sve zemlje da učine dalje napore i dođu do dobrih odnosa unatoč teškoj i opterećavajućoj prošlosti;
- 5.** Nalaže svom predsjedniku da proslijedi ovu rezoluciju Vijeću, Komisiji, vladama država članica, Vladi i Parlamentu Bosne i Hercegovine, njenim entitetima i regionalnim jedinicama i vladama i parlamentima država zapadnog Balkana,

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-3341/11

Datum, 28.07.2011.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011. godine, razmatralo je Izvještaj o realizaciji Programa rada Općinskog vijeća Zavidovići i stalnih radnih tijela Općinskog vijeća Zavidovići za period 01.01.-30.06.2011.godine, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj o realizaciji Programa rada Općinskog vijeća Zavidovići i stalnih radnih tijela Općinskog vijeća Zavidovići za period 01.01. – 30.06. 2011.godine, bez posebnih zaključaka.

2. Izvještaj o realizaciji Programa rada Općinskog vijeća Zavidovići i stalnih radnih tijela Općinskog vijeća Zavidovići za period 01.01. – 30.06.2011.godine objaviti u „Službenom glasniku općine Zavidovići“.

3. Zaključak stupa na snagu odmah.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-05-3341/11

Datum, 28.07.2011.godine

Na osnovu člana 53. Poslovnika o radu Općinskog vijeća Zavidovići («Službeni glasnik općine Zavidovići», broj 12/08), dostavlja se

IZVJEŠTAJ

o realizaciji Programa rada Općinskog vijeća Zavidovići i stalnih radnih tijela
Općinskog vijeća Zavidovići za period 01.01.- 30.06.2011.godine

REALIZACIJA PROGRAMA RADA

U izvještajnom periodu 1.1.– 30.06.2011.godine održano je šest redovnih sjednica Općinskog vijeća.

Na 6. sjednica Općinskog vijeća razmotreno je 125 tačaka sa 5 podtačaka dnevnog reda.

Programom rada Općinskog vijeća Zavidovići za 2011.godinu za period januar-april predviđeno je razmatranje 31 materijala sa 5 podtačaka (izvještaji o radu JU), za period maj-juni 10 materijala, što ukupno čini 41 materijala, odnosno 46 tačaka dnevnog reda.

Upoređujući broj razmotrenih tačaka dnevnog reda na 6 sjednica Općinskog vijeća u izvještajnom periodu, sa materijalima iz Programa rada Općinskog vijeća za 2011.godinu, može se konstatovati da je Općinsko vijeće razmatralo 130 materijala, odnosno 84 materijala više od predviđenih Programom rada, odnosno 282,60 % više od planiranog.

Prosječno, po jednoj sjednici Općinskog vijeća razmatralo se 21 tačaka dnevnog reda.

Prilikom utvrđivanja Programa rada, Općinsko vijeće nije u mogućnosti planirati materijale iz oblasti koji u toku rada budu nametnuti službama za upravu i drugim organima, javnim ustanovama i javnim preduzećima. Iz tog razloga Općinsko vijeće je za period 01.01.do 30.06.2011.godine razmatralo 84 materijala- tačaka dnevnog reda koje nisu planirane Programom rada Općinskog vijeća, u izvještajnom periodu.

Vijeće je razmatralo i donijelo: 55 Odluka, od toga 10 materijala je razmatralo u Nacrtu, 2 Plana, 4 Programa, 1 prijedlog projekata, 13 Rješenja, 18 Zaključka po raznim osnovima, 1 Preporuku, 18 Izvještaja i 12 Informacija.

PLANIRANI, A NEURAĐENI MATERIJALI PO PROGRAMU RADA

A – U periodu januar-april

1. Prijedlog Odluke o određivanju zona.

R o k: **februar 2011.godine**

Obrađivač: Služba za upravu geodetskih, imovinsko-pravnih poslova i urbanizma

2. Nacrt odluke o izmjenama i dopunama Odluke o ustanovljenju i dodjeli Spomen plakete i drugih priznanja općine Zavidovići

R o k: april 2011.godine

Obrađivač: Kabinet Općinskog načelnika

B – U periodu maj-avgust

1. Prijedlog odluke o izmjenama i dopunama Odluke o ustanovljenju i dodjeli Spomen plakete i drugih priznanja općine Zavidovići

R o k: maj 2011.godine

Obrađivač: Kabinet Općinskog načelnika

2. Prednacrt odluke o usvajanju Prostornog plana općine Zavidovići,

R o k: juni 2011.godine

Obrađivač: Služba za upravu geodetskih, imovinsko-pravnih poslova i urbanizma,

3. Prijedlog Općinskog plana upravljanja otpadom 2011.-2016.godine

R o k: juni 2011. godine

Obrađivač: Služba za upravu poljoprivrede, vodoprivrede i komunalnih poslova

Tačka 1. poglavlja A, pripremljena je i razmatrana u Nacrtu na 19. sjednici Općinskog vijeća održanoj dana 27.02.2010 godine. Na 27. sjednici Općinskog vijeća održanoj dana 29.10.2010. godine, razmatran je Prijedlog odluke o određivanju zona, i ista Zaključkom vraćena na doradu («Službeni glasnik općine Zavidovići», broj 9/2010), sa uputom da se prilikom utvrđivanja Prijedloga odluke o određivanju zona uzme u obzir Izvještaj o provedenoj javnoj raspravi, kao i rasprava vođena na 27.sjednici Općinskog vijeća, sa osvrtom na finansijske efekte koji će prouzrokovati izmjene zona.

Tačka broj 2. poglavlja A, i tačka 1. iz poglavlja B, u postupku izrade.

Tačka broj 2. poglavlja B, u skladu sa članom 8. Odluke o pristupanju izradi Prostornog plana općine Zavidovići, koju je Općinsko vijeće Zavidovići usvojilo na 24. sjednici održanoj dana 20.07.2006. godine, («Službeni glasnik općine Zavidovići», broj 8/2006), u toku ponovno raspisivanja javnog oglasa za izbor nosioca izrade, u skladu sa Zakonom o javnim nabavkama Bosne i Hercegovine. Prvi javni oglas je poništen iz razloga što dostavljene ponude nisu bile u skladu sa Zakonom o javnim nabavkama.

Tačka 3. poglavlja B, je u postupku javne rasprave, obzironm da je na 35. sjednici održanoj dana 28.06.2011. godine, usvojen Nacrt predmetnog akta.

Od ukupno planiranih 46 materijala iz izvještajnog perioda nije realizovano 5 materijala odnosno 10,87 %, od planiranog.

U izvještajnom periodu Općinsko vijeće usvojilo je zapisnik (izvod) sa 29., 30., 31., 32., 33. i 34. sjednice Općinskog vijeća. Uz izvod iz zapisnika Klubovima vijećnika dostavljeni su i audio zapisi sjednica Općinskog vijeća, a od 34.sjednice, sjednice Općinskog vijeća se snimaju i emituju putem gledanih medija – «Kablovska televizija» d.o.o. Zavidovići. Takođe, zvučni zapis sjednica Općinskog vijeća, Službeni glasnici općine Zavidovići, obavještenja i materijali po javnim raspravama redovno se postavlja na Web stranicu općine. Općinsko vijeće u izvještajnom periodu razmatralo je odgovore na postavljena vijećnička pitanja sa 29., 30.,31.,32.,33. i 34. sjednice Općinskog vijeća.

RAD STALNIH RADNIH TIJELA

U izvještajnom periodu Stalna radna tijela u pripremi sjednica Vijeća održala su:

- Kolegij Vijeća – 9 sjednica, 18 tačaka dnevnog reda;
- Komisija za budžet i ekonomska pitanja- 5 sjednica, 35 tačaka dnevnog reda;
- Komisija za propise i statut – 7 sjednica, 81 tačka dnevnog reda;
- Komisija za izbor i imenovanja - 9 sjednica, 13 tačaka dnevnog reda;

- Komisija za poslove mjesnih zajednica - 5 sjednice, 10 tačaka dnevnog reda;
- Komisija prostorno planiranje, uređenje i ekologiju- 6 sjednice, 23 tačke dnevnog reda;
- Komisija za prigovore, prestavke i prijedloge -2 sjednice, 10 tačaka dnevnog re;
- Drugostepena komisija za rješavanje po žalbama izjavljenim protiv prvostepenih rješenja i drugih prvostepenih akata Općinskog vijeća - 5 sjednica, 20 tačaka dnevnog reda;
- Etička Komisija - 0 sjednice, 0 tačaka dnevnog reda;
- Komisija za društvene djelatnosti, ljudska prava, mlade i ravnopravnost spolova -3 sjednice, 7 tačaka dnevnog reda..

Izvještajni period karakterizira izrazitu aktivnost Vijeća, njegovih radnih tijela u pripremi sjednica i sastavljanju prijedloga dnevnog reda za sjednicu vijeća po pitanju iz Programa rada za tekuću godinu.

Predlaže se Općinskom vijeću da razmatra i usvoji Izvještaj o realizaciji Programa rada Općinskog vijeća Zavidovići za period 01.01.- 30.06.2011.godine,

OPĆINA ZAVIDOVIĆI
- OPĆINSKO VIJEĆE -

Broj: 01-05-3341/11
Datum, 28.07.2011.godine

(M.P.)

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-3318/11

Datum, 28.07.2011.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011.godine, razmatralo je Informaciju o provođenju zaključaka i drugih akata Općinskog vijeća Zavidovići za period 01.01.-30.06.2011.godine, pa nakon rasprave donijelo

ZAKLJUČAK

I

Općinsko vijeće Zavidovići ne prihvata Informaciju o provođenju zaključaka i drugih akata Općinskog vijeća Zavidovići za period 01.01. – 30.06.2011.godine.

II

Zaključak stupa na snagu odmah.

(M.P.)

**PREDSJEDAVAJUĆI
OPĆINSKOG VIJEĆA**

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-14-3310/11
Datum, 28.07.2011.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011.godine, razmatralo je Izvještaj o radu Komisije za utvrđivanje prometne vrijednosti nepokretnosti za period 01.01.– 30.06.2011.godine, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj o radu Komisije za utvrđivanje prometne vrijednosti nepokretnosti za period 01.01. – 30.06.2011.godine, bez posebnih zaključaka.

2. Zaključak stupa na snagu odmah.

(M.P.)

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-23-3320/11

Datum, 28.07.2011.godine

Na osnovu člana 99. i 119. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011. godine, razmatralo je Informaciju o nelegalno izgrađenim poslovnim objektima na urbanoj zoni općine Zavidovići, pa nakon rasprave donijelo

ZAKLJUČAK

1. Općinsko vijeće Zavidovići vraća na doradu Informaciju o nelegalno izgrađenim poslovnim objektima na urbanoj zoni općine Zavidovići, iz razloga što ista nije potpuna, ne sadrži dovoljno jasne podatke (genezu nelegalne gradnje), kao i to da nisu obuhvaćeni svi nelegalno izgrađeni poslovni objekti na urbanoj zoni općine Zavidovići.

Informaciju dopuniti podacima-geneza nelegalne gradnje, te dopuniti istu sa nelegalno izgrađenim objektima koji nisu sadržani u predmetnoj Informaciji.

2. Općinsko vijeće Zavidovići zadužuje Službu za upravu geodetskih, imovinsko-pravnih poslova i urbanizma da prostorno-plansku dokumentaciju općine Zavidovići istakne na vidnom mjestu i WEB stranici Općine Zavidovići, kako bi se građani općine Zavidovići mogli upoznati sa sadržajem prostorno-planske dokumentacije.

1. Zaključak stupa na snagu odmah, a o njegovoj realizaciji staraće se Služba za upravu ekonomskih poslova i poduzetništvo i Služba za upravu geodetskih, imovinsko-pravnih poslova i urbanizma, svako iz svoje nadležnosti.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-23-3328/11

Datum, 28.07.2011.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011.godine, razmatralo je Informaciju o pojavi klizišta na općini Zavidovići, pa nakon rasprave donijelo

ZAKLJUČAK

I

Općinsko vijeće Zavidovići usvaja Informaciju o pojavi klizišta na općini Zavidovići, sa prijedlogom mjera:

1. Vršiti preventivnu sanaciju iskopom odvodnih kanala, izmještanjem fekalnih odvoda, iskopom plitkih i dubokih drenaža, ojačanjem postojećih potpornih konstrukcija, sađenjem rastinja do trajne sanacije. Zadužiti Savjete mjesnih zajednica da u saradnji sa nadležnim službama provode aktivnosti na educiranju stanovništava o pojavama klizišta koje svojim aktivnostima prouzrokuje čovjek, te o mogućem preventivnom djelovanju.

2. Općinsko vijeće Zavidovići zadužuje nadležnu općinsku službu da pribavi projekat sanacije klizišta na mjestu pucanja glavnog cjevovoda gradskog vodovoda na lokaciji 11. km uz rijeku Gostović.

3. Na osnovu egzaktnih finansijskih pokazatelja, nastojati obezbijediti sredstva od nadležnih ministarstava, budžetu Federacije, Kantona i Općine, donacija i sl.

4. Usvojiti prioritete sanacija.

5. Prikupiti ponude za projektovanje sanacija klizišta, na javnim cestama u nadležnosti Općine.

II

Zaključak stupa na snagu odmah, a o njegovoj realizaciji starat će se Služba za upravu ekonomskih poslova i poduzetništvo.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-23-3564/11

Datum, 28.07.2011.godine

Na osnovu člana 99. Poslovnika Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 36.sjednici od 28.07.2011.godine, razmatralo je Informaciju o stanju i prijedlog mjera sanacije kotlovnica, pa nakon rasprave donijelo

ZAKLJUČAK

1. Općinsko vijeće Zavidovići usvaja Informaciju o stanju i prijedlog mjera sanacije kotlovnica.

2. Općinsko vijeće Zavidovići zadužuje Općinskog načelnika sa nadležnom službom da obezbijedi realizaciju sredstava planiranih na Transferu za sufinansiranje izgradnje, rekonstrukcije i sanacije opreme i mreže gradskog grijanja u Budžetu općine Zavidovići za 2011.godinu u visini od 30.000,00 KM.

3. Zaključak stupa na snagu odmah, a o njegovoj realizaciji starat će se Kabinet Općinskog načelnika i Služba za upravu poljoprivrede, vodoprivrede i komunalnih poslova.

**PREDSJEDAVAJUĆI
OPĆINSKOG VIJEĆA**

(M.P.)

ing.Radosav Petrović, s.r.

S A D R Ź A J

Strana

I – AKTI OPĆINSKOG VIJEĆA

1. ODLUKA o davanju na korištenje dograđenog dijela Komunalnog vodovoda Zavidovići za snabdijevanje vodom stanovnika naseljenih mjesta Stavci, Brijeg, Dragovići i Gornji Kovači.....	522
2. RJEŠENJE o dodjeli neposrednom pogodbom neizgrađenog gradskog građevinskog zemljišta ZE-DO kantonu – Ministarstvu unutrašnjih poslova Zenica	523
3. RJEŠENJE o imenovanju članova Općinske izborne komisije	525
4. RJEŠENJE CIK-a – saglasnost na Rješenje OV-a broj 01-05-3086/11 za imenovanje Aličić Dine za člana OIK-e.....	536
5. ZAKLJUČAK o ne prihvatanju ponude Mujić Adnana, sin Fuada iz Zavidovića	527
6. ZAKLJUČAK o ne prihvatanju ponude Starčević Azemine, kći Adema iz Zavidovića .	528
7. ZAKLJUČAK OV-a o prihvatanju Rezolucije Evropskog parlamenta o Srebrenici	529
8. TEKST REZOLUCIJE o Srebrenici	530
9. ZAKLJUČAK OV-a o usvajanju Izvještaja o realizaciji Programa rada OV-a Zavidovići i salnih radnih tijela OV-a za period 01.01.-30.06.2011.godine	532
10. IZVJEŠTAJ o realizaciji Programa rada Općinskog vijeća i stalnih radnih tijela OV-a Zavidovići za period 01.01.-30.06.2011.godine	533
11. ZAKLJUČAK OV-a o ne prihvatanju Informacije o provođenju zaključaka i drugih akata Općinskog vijeća Zavidovići za period 01.01.-30.06.2011.godine	536
12. ZAKLJUČAK OV-a o usvajanju Izvještaja o radu Komisije za utvrđivanje prometne vrijednosti nepokretnosti za period 01.01.-30.06.2011.godine	537
13. ZAKLJUČAK OV-a o vraćanju na doradu Informacije o nelegalno izgrađenim poslovnim objektima na urbanoj zoni općine Zavidovići	538
14. ZAKLJUČAK OV-a o usvajanju Informacije o pojavi klizišta na općini Zavidovići..	539
15. ZAKLJUČAK OV-a o usvajanju Informacije o stanju i prijedlog mjera sanacije kotlovnica	540